



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

ODLUKA
DAVANJU NA POKLON I DAVANJU SAGLASNOSTI
NA UGOVOR O POKLONU SVJETLEĆE KONSTRUKCIJE

Predlagač: Gradonačelnik
Obrađivač: Stručna služba za poslove kabineta
i poslove Gradske uprave

Sarajevo, decembar 2024. godine

Adresa: Hamdije Kreševljakovića 3
71 000 Sarajevo
Tel.: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 31. i člana 76. Statuta Grada Sarajeva („Službene novine Kantona Sarajevo“, broj 7/23), Gradsko vijeće Grada Sarajeva, na __. sjednici održanoj dana __. __. 2024. godine, donijelo je:

(Prijedlog)

**ODLUKU
DAVANJU NA POKLON I DAVANJU SAGLASNOSTI
NA UGOVOR O POKLONU SVJETLEĆE KONSTRUKCIJE**

Član 1.

(Predmet Odluke)

Gradsko vijeće Grada Sarajeva daje saglasnost na davanje na poklon svjetleće konstrukcije Javnom preduzeću „Olimpijski bazen Otoka“ d.o.o. Sarajevo.

Član 2.

(Ovlaštenje za potpisivanje Ugovora)

Gradsko vijeće Grada Sarajeva daje ovlaštenje gradonačelniku Grada Sarajeva da, u ime i za račun Grada Sarajeva, potpiše Ugovor o poklonu svjetleće konstrukcije, dimenzija 1500 mm sa 2678 mm, čiji je tekst sastavni dio ove odluke.

Član 3.

(Stupanje na snagu Odluke)

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVALAČI GRADSKOG VIJEĆA

Jasmin Ademović

Broj:

Sarajevo, __. __. 2024. godine

OBRAZLOŽENJE

PRAVNI OSNOV

Pravni osnov za donošenje ove Odluke sadržan je u članu 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23) kojim je propisano da Gradsko vijeće Grada Sarajeva za donosi odluke, druge propise, opće akte i daje njihovo tumačenja, te je nadležno za upravljanje i raspolaganje imovinom Grada Sarajeva. Pravni osnov je sadržan i u članu 76. Statuta Grada Sarajeva kojoj je propisano da imovinu Grada Sarajeva čine pokretna i nepokretna imovina, da je nosilac prava raspolaganje imovinom Gradsko vijeće Grada Sarajeva, da imovinom Grada Sarajeva upravlja Gradsko vijeće Grada Sarajeva, u skladu sa zakonom i drugim propisima, te u interesu lokalnog stanovništva s pažnjom dobrog domaćina.

RAZLOZI DONOŠENJA

Firma „METALLON“ d.o.o. Visoko u maju mjesecu 2024. godine Gradu Sarajevu poklonila svjetleću konstrukciju, dimenzija 1500 mm sa 2678 mm, i ista je knjižena od strane Gradske službe finansija kao stalno sredstvo Grada Sarajeva. Obzirom da Grad Sarajevo nije uspio da ishoduje potrebne dozvole za lokaciju na kojoj bi isti bio postavljen, navedena svjetleća konstrukcija je postavljena ispred Olimpijskog bazena.

Javno preduzeće „Olimpijski bazen Otoka“ d.o.o. Sarajevo obratilo se s molbom, broj 02-1-1834/24 od 23.10.2024. godine, za uklanjanje svjetleće konstrukcije „Dijamant“ sa privremene lokacije ispred Olimpijskog bazena. Također, u svojoj molbi navode da im se svjetleća konstrukcija pokloni kako bi ista bila postavljena na terasu Olimpijskog bazena, čime bi u konačnici poslužila svojoj svrsi.

Obzirom na prednje izloženo, Gradsko vijeće Grada Sarajeva donijelo je ovu odluku.

FINANSIJSKA SREDSTVA

Za realizaciju ove odluke nisu potrebna finansijska sredstva u Budžetu Grada Sarajeva.

UGOVOR

o davanju na poklon svjetleće konstrukcije

Zaključen između ugovornih strana:

1. **GRAD SARAJEVO**, ulica Hamdije Kreševljakovića 3, Sarajevo, kojeg zastupa gradonačelnik Grada Sarajeva Predrag Puharić (u daljnjem tekstu: Poklonodavac) i
2. **Javno preduzeće „Olimpijski bazen Otoka“ d.o.o. Sarajevo**, Bulevar Meše Selimovića 83 b, Sarajevo, kojeg zastupa Avdija Hasanović, (u daljnjem tekstu: Poklonoprimac)

Član 1.

Predmet ovog ugovora je poklon svjetleće konstrukcije, dimenzija 1500 mm sa 2678 mm, a u skladu sa Odlukom Gradskog vijeća Grada Sarajeva o davanju na poklon i davanju saglasnosti na Ugovor o poklonu svjetleće konstrukcije („Službene novine Kantona Sarajevo, broj ...).

Član 2.

Poklonodavac je vlasnik svjetleće konstrukcije, a koje kao izraz prijateljstva, bez ikakve naknade ili tereta, poklanja Poklonoprimcu.

Član 3.

Poklonoprimac prihvata predmet ugovora iz člana 1. ovog ugovora i saglasan je da od Poklonodavca primi u vlasništvo i posjed svjetleću konstrukciju po osnovu poklona, te iste evidentira u svojoj popisnoj evidenciji. Vrijednost predmetne donacije iznosi 19.750,00 KM + PDV.

O izvršenoj primopredaji bit će sačinjen poseban zapisnik putem ovlaštene službene osobe ispred Stručne službe za poslove kabineta i poslove Gradske uprave.

Član 4.

Predmetni Ugovor je izraz slobodne volje ugovornih strana, sačinjen u skladu sa Odlukom iz člana 1. ovog ugovora.

Član 5.

Ugovor je sačinjen u obostranom interesu, bez prevarnih radnji, prinude, prijetnje i zablude pa ga kao takvog ugovorne strane saglasno potpisuju.

Član 6.

Na odnose između ugovornih strana koji nisu regulirani ovim ugovorom, primjenjuju se odredbe Zakona o obligacionim odnosima.

Član 7.

U slučaju spora po ovom ugovoru, ugovorne strane nastojat će isti sporazumno riješiti, u protivnom saglasne su da prihvataju nadležnost suda u Sarajevu.

Član 8.

Ovaj ugovor stupa na snagu danom potpisivanja obje ugovorne strane.

Član 9.

Ugovor je sačinjen u četiri (4) istovjetna primjerka, od kojih svaka ugovorna strana zadržava po dva primjerka.

**POKLONODAVAC
GRAD SARAJEVO
GRADONAČELNIK**

Predrag Puharić

Broj:
Sarajevo, __. __. 202_ . godine

**POKLONOPRIMAC
JP „OLIMPIJSKI BAZEN
OTOKA“**

Avdija Hasanović, direktor

Broj:
Sarajevo, __. __. 202_ . godine